

船山遺書

第三函
函六册

禮記章句

張山書

辛卯年

船山遺書 經部

中華民國廿二年十二月
上海太平洋書店重校刊

劉陽 李英侯 總勘
劉陽 張告吾 輯校
平江 李蘊平 校

禮記章句目錄

卷一

曲禮上

卷二

曲禮下

卷三

檀弓上

卷四

檀弓下

卷五

王制

卷六

月令

禮記章句目錄

太平洋書店印行

卷七

曾子問

卷八

文王世子

卷九

禮運

卷十

禮器

卷十一

郊特牲

卷十二

內則

卷十三

玉藻

卷十四

明堂位

卷十五

喪服小記

卷十六

大傳

卷十七

少儀

卷十八

學記

卷十九

樂記

禮記

章

句

目錄

二

太平洋書局印行

卷二十

雜記上

卷二十一

雜記下

卷二十二

喪大記

卷二十三

祭法

卷二十四

祭義

卷二十五

祭統

卷二十六

經解

卷二十七

哀公問

卷二十八

仲尼燕居

卷二十九

孔子閒居

卷三十

坊記

卷三十一

中庸

卷三十二

表記

禮記

章句

目錄

三

太平洋書店印行

卷三十三

緇衣

卷三十四

奔喪

卷三十五

問喪

卷三十六

服問

卷三十七

閒傳

卷三十八

三年問

卷三十九

深衣

卷四十

投壺

卷四十一

儒行

卷四十二

大學

卷四十三

冠義

卷四十四

昏義

卷四十五

鄉飲酒義

禮記

章

句

目錄

四

太平洋書局印行

卷四十六

射義

卷四十七

燕義

卷四十八

聘義

卷四十九

喪服四制

禮記章句卷一

衡陽王夫之譔

禮記

禮記者漢戴氏聖述所傳於師備五禮之節文而爲之記也周禮儀禮古禮經也戴氏述其所傳不敢自附於經而爲之記若儀禮之記列於經後以發明之焉孔子反魯定禮樂引伸先王之道而論定其義輯禮經之所未備而發其大義導其微言七十子之徒傳者異聞而皆有所折衷以至周末洎漢之儒者習先師之訓皆有紀述小戴氏承衆論之後爲纂敍而會歸之以爲此書顯微異同之詞雖若不一而於以體先聖復性以立人極之意其不合者鮮矣善學者通其異以會其同辨其顯以達其微其於先王窮理盡性修己治人之道明而行之亦庶乎其不遠矣

曲禮上

曲者詳盡委曲之意此篇舉禮文之委曲以詔人之無微而不謹尤下學之先

務先儒因簡策繁多分爲二篇上篇凡六十三章舊未分章諸說多所割裂今尋繹文義爲之節次如左

曲禮曰毋不敬儼若思安定辭安民哉

言曲禮者舉篇名以冠一篇之文曰者列其目之辭毋不敬大小衆寡之不敬慢動而慎也儼若思未有思而端嚴凝志若有所思靜而存也安處其當也循事察理必得其安而後定之以爲辭說言而信諸心也此三者未及於安民之事而以此自治而臨人則天下之理得而情亦可通矣於以安人奚難哉民者人之盡辭此言君子行禮反躬自盡之要

右第一章 按此章原本正心修身之道以爲禮之本而聖學之功舉不外於此蓋一篇之統宗全經之體要備矣

敖不可長欲不可從志不可滿樂不可極

敖五報反長丁丈反從足用反樂虛各反

志者心有所期於事也樂得其意之所適也四者之動以禮節之則各適其當而不流是以君子貴乎循禮也

賢者狎而敬之畏而愛之

狎親也雖狎必敬雖畏不忘其愛則禮行乎其閒矣

愛而知其惡憎而知其善

能節其情則善惡之理見矣

積而能散安安而能遷臨財毋苟得臨難毋苟免很毋求勝分毋求多

難乃且反分如字

安安者安於其安遷無懷土之心也毋求勝者自反而縮雖敗猶榮也分與人分財積與很雖非君子之所務而貨惡其棄於地則積而非貪以直報怨則很而非戾六者能審乎利害死生之閒以反諸其節則私欲不行義立而禮行矣
疑事毋質直而勿有

質證也事之然否曲直未明見而信諸心毋質證以爲固然其直者雖可自信抑勿挾而有之以與人競能焉如此則私意不行而天理以見矣

若夫坐如尸立如齊禮從宜使從俗

夫防無反齊側皆反使疏吏反

從俗謂所使之國所習行之禮上言學者去私循理以爲行禮之本則自彊於

禮而不挾己自是以拂乎人情其於容貌之莊權宜之中亦舉而措之而已此蓋有闕文詳見大戴記

右第二章 此章言節情去私爲禮之本與上章相承而立言以爲一篇之綱領上章言存理之學而此章言遏欲之事先存理而次遏欲者聖學所以異於異端而有本也此下四章則以發明禮之大旨本立而用斯行矣

夫禮者所以定親疏決嫌疑別同異明是非也

夫防無反別筆列反

定謂不以私愛逆天倫也相似曰嫌未審曰疑別同異者別其似同而異似異而同也

禮不妄說人不辭費

說與悅同

親疏定嫌疑決則不妄說人矣同異別是非明則不待辭之費而自辯矣

禮不踰節不侵侮不好狎

好報反

節親疏嫌疑同異是非之定則也有禮而節不踰則其於人也亢而不侵侮之卑而不玩狎之矣

右第三章

修身踐言謂之善行行修言道禮之質也

行下孟反

道順也能修其身以踐其言則行修矣所言者皆可修之於身則言順矣

禮聞取於人不聞取人

君子秉禮在躬人將取則身不修言不道強欲效人以行禮質不立而所行皆僞矣

禮聞來學不聞往教

有自修之心則來學而因以教之若未能有自修之志而強往教之則雖教亡益故君子修身務本而後可以學禮

右第四章

道德仁義非禮不成教訓正俗非禮不備

在理曰道在心曰德仁者愛之體義者心之制禮以顯其用而道德仁義乃成乎事矣設科以督正之曰教啓釋其所未通曰訓教訓斯民以正其俗者以爲

善去惡爲大綱而非示之以禮則不能隨事而授之秩敘以備乎善也

分爭辨訟非禮不決君臣上下父子兄弟非禮不定官學事師非禮不親班朝治軍泄官行法非禮威嚴不行禱祠祭祀供給鬼神非禮不誠不莊

朝禮反

上官長下貳屬游學曰宦親者親其師友班朝序朝位也禱祈也祠辭也謂告祭也地祇曰祭天神曰祀供薦給備物謂宗廟饋食之祭誠盡其心也莊飭其事也

是以君子恭敬撝節退讓以明禮

撝祖本反

恭神之肅也敬心之慎也撝酌也節制也退自抑也讓遜於人也禮著於儀文度數而非有恭敬之心撝節之度退讓之容則禮意不顯君子知禮之無往不重而必著明其大用使人皆喻其生心而不容已故內外交敬俾禮意得因儀文以著而禮達乎天下矣

鸚鵡能言不離飛鳥猩猩能言不離禽獸今人而無禮雖能言不亦禽獸之心乎夫惟禽獸無禮故父子聚麀是故聖人作爲禮以教人使人以有禮知自別於禽